

西湖志

地727.24

73123

4383

部=10

卷二十一 名賢三	卷二十二 方外一	卷二十三 方外二	第十冊
-------------	-------------	-------------	-----



西湖志卷之二十一

名賢

三

明

楊孟瑛

萬曆杭州府志

孟瑛字溫甫四川豐都縣

人成化丁未進士弘治十六年知杭州遷順天府

丞去以在任浚西湖多糜官帑被劾復降知府事

實錄載孟瑛守杭議開西湖盤查御史胡文璧劾

其開濬無功費用官帑至二萬三千餘兩宜罷黜

吏部議以工在既往理無可復宜仍將孟瑛降除

西湖志

卷三

名賢三

一

杭州量用民力以終前功故有是命孟瑛當事敢

任多便民美政其浚復西湖俾水有蓄洩實利益

下塘諸田亦一時敏幹吏云西湖遊覽志孟瑛知

杭州府時西湖民間規占者十九孟瑛建議於御

史車梁僉事高江銳意濬復

詳見水利

惠隆

分省人物考

隆字從道號北屏仁和人弘治

癸丑進士授刑部主事進員外郎擢江西按察司

副使所至以治績顯甫踰強仕即解組歸營別墅

於所居東澣茅亭花榭極幽雅之趣垂老足不履

公門口不談世務與吳樂閒輩為五老歸田會登
眺湖山以觴詠自娛倣唐香山宋洛社之遺矩繪
圖梓詩以傳嘉靖仁和縣志隆罷政家居宅臨下
湖構西爽樓遠對西山層巒疊嶂仰之悉入目中
吳瓚分省人物考瓚字器之號樂閒仁和人弘治
庚戌進士授弋陽縣陞南通州知州甫兩月乞休
力辭軒冕性好吟咏多撰述考求遺聞作武林紀
事八卷足備湖山掌故

吳一貫

萬曆杭州府志

一貫字道夫廣東海陽縣

西湖志

卷三

名賢三

二

人成化辛丑進士弘治十年按浙精敏強毅敢於
有為酌科差務節省以紓民困著為條式俾垂永
久民咸賴之歷大理少卿以剛直忤逆瑾謫嵩明
知州瑾誅復江西按察副使進按察使卒李旻西
湖復古堰記樂天通石函子瞻築石堰所以鍾其
源而節其流也後人壞堰而易之以版守者得以
為奸漲溢乃斬而不啓旱則啓而竭之或因而取
貨焉為湖之病數十年矣弘治丁巳監察御史吳
君巡按浙江以興利除害為己任欲復其舊鳩工

琢石不日告成濱湖上下之人得享舊日之利

王守仁

名山藏守仁字伯安餘姚人弘治十二年

進士授刑部主事改兵部武選司正德元年科道
官以論劉瑾忤旨逮繫守仁論救謫龍場驛丞瑾
誅擢廬陵知縣陞南京刑部主事調吏部郎陞南
太僕鴻臚少卿右僉都御史巡撫南贛寧王宸濠
反以便宜檄諸道兵攻之遇之湖擒之陞南京兵
部尚書叅贊機務封新建伯卒謚文成萬曆初從
祀孔子廟西湖遊覽志守仁之既擒宸濠也忽傳

西湖志

卷三

名賢三

三

王師已及徐淮遂乘夜遄發至錢塘凜凜憂慄作
詩云靈鷲高林暑氣清竺天石壁雨痕晴客來湖
上逢雲起僧住峰頭話月明世路久知難直道此
身那得尚浮名移家早定孤山計種果誅茅却易
成頃之王師遣人追宸濠復還江西遂謝病居淨
慈寺淨慈寺志守仁自鄉舉時讀書南屏後擒宸
濠忽傳王師已及徐淮遂乘夜遄發至錢塘謝病
居淨慈成詩六首南屏之陽有洞以公名嘗建天
真精舍於龍山之陽即今勲賢祠也

顧璘 列朝詩集傳璘字華玉吳縣人弘治丙辰進士累官南京刑部尚書晚歲家金陵文學藉甚居都會之地處承平之世享園林鐘鼓之樂江左風流迄今猶推領袖嘗傳華玉在浙物色孫太初不可得稍間輒道衣幅巾放舟湖上冀行求得之月下舟泊斷橋下一僧一鶴一童子煮茗笑曰此必太初也移舟就之遂往還無間

孫一元 列朝詩集傳元字太初秦人嘗棲太白之顛故稱太白山人風儀秀朗元巾白袷以鐵笛鶴

西湖志

卷五

名賢三

四

瓢自隨所至傾動其士大夫嘗入吳會遂棲遲不去費宏罷相訪之南屏山中值其晝寢就卧內與語送之及門了不酬謝費出語人曰吾一生未嘗見此人也歐餘漫錄太初寓南屏山嘗蓄一鶴自隨與許給諫台善許為置田一二畝歲輸粟於萬峰深處以充鶴糧而作券予之初太初開籠調鶴鶴飛去台初用唐人想伊只在秋江上之句首尾作詩二律兩人風趣雖林君復亦當欣讓矣西湖遊覽志西湖之改名高士湖也孫太白自序云正

德乙亥孟春與石川子泛舟西湖石川子曰昔青蓮居士李白與尚書郎張謂泛沔川南湖因改爲郎官湖今日予與子游頗追蹟前事西湖固可爲高士湖矣大笑酌酒於湖命予詩紀之

李贊

兩湖塵談李方伯平軒在浙省時公暇輒爲山行遇適興處即走筆題詠兩山佳處徃徃有之風致清高政事精敏惜賫志以沒

孫景時

分省人物考景時字成叔杭之右衛人性耿介於世寡諧師事陽明甘泉二先生正德丙子

西湖志

卷三

名賢三

五

舉於鄉筮仕長洲教諭遷攸縣令却餽謝無何解官歸乃搜輯故典證以長老舊聞質諸鄉評作武林文獻錄修杭州府志

張文宿

分省人物考文宿字拱辰號白厓仁和人賦性奇偉風儀玉立早涉墳典旁及諸子履道植仁敦孝秉義蔚然動士林望正德癸酉薦於鄉嘉靖癸未釋褐授晉江令以風操孤勁自持未幾落職乃蕭然長往門堵空蕪不怨也就西湖傍築一小樓樓未及成有二鵲日喞喞從梁題間營巢巧

逼斧匠人以為異即名其樓曰來鵲湖中又置一舫大司馬白泉汪公署曰水月樓日與郡中沈青門田豫陽李岫嶼方十洲童南衡張太華結為西湖書社或遇穠辰艷景登樓放舟賦詩詩成酒散互相砥礪辭華沉着不為浮綺為一時所宗云

方豪

西湖遊覽志方思道豪開化人正德間刑部

郎中雅好山水居湖最久嘗築室於石屋號齊樹樓少師夏公謹贈以詩

龐尚鵬

舊浙江通志尚鵬廣東南海人嘉靖間巡

西湖志

卷三

名賢三

六

按浙江墨吏多解印綬去嘗令士民敷析利弊立一條鞭法仍臚舊名曰毋使後人重徵也西湖遊覽志嘉靖十八年巡按御史傅鳳翔行縣清理西湖占據御史龐尚鵬刻碑於清波湧金錢塘三門嚴為禁防

童偉

萬曆杭州府志嘉靖時錢塘童封君偉既有

章服猶雅淡如素嘗製巨竹為桴放西湖中隨波流止命曰煙波釣筏

李元昭

列朝詩集傳元昭字用晦杭州人世襲千

戶棄去不就與童侍御南衡方職方十洲輩結社
西湖其詩皆明農習隱之言又好鍊丹構廬於靈
隱慎菴之址曰岫巖山房詞客過者多為詩贈之
錢可久江南通志可久字思畏桐城人詩才俊逸
字畫道潤自言與杭州西湖結物外交駕舟千里
訪之扣舷高歌旁若無人一時推為風雅之冠

徐夢華留青日札夢華字子善錢塘人魁梧倜儻
燕額虬髯其詩蕭豁雋朗有翫爾樓稿如西湖曲
湖水年年綠春花度度新六橋歌舞地幾易管絃

西湖志

卷三

名賢三

七

人年二十六為安南叅軍有思親詩為憐萱草庭
前冷不戀梅花嶺上春即桂冠歸其人品可知

田汝成分省人物考汝成字叔禾杭州人嘉靖丙
戌進士授南京刑部主事由員外郎轉禮部儀制
忤時宰出為廣東僉事轉廣西左叅議及歸里盤
桓湖山間探禹穴上四明窮雁蕩泛吳淞涉邗江
遨遊河洛五六年卒著西湖遊覽志

周詩列朝詩集傳詩字以言崑山人風致逸爽以
詩文游公卿間游武林敝衣匿僧寺中提學孔天

引自翰林出雅負知詩閱岳鄂王廟題壁詩曰何
事疥吾壁也命隸人篲墨掃之至以言詩乃大驚
立命駕往獨與定交武林人爭延致以言不憚辭
歸皇甫子循題云周山人留別西湖一篇尤為選
體之冠婉麗以會景俊逸以宣情春容以達氣縱
筆二百言無一字谿徑真得古人之髓

田藝衡

舊錢塘縣志藝衡字子藝汝成子教授應
天博學善屬文自弱冠以詩賦著聲海內名公爭
交驩焉所著前後正續集數十卷雜著數十種說

西湖志

卷三

名賢三

八

者謂其文神采中涵奇輝外射裕清淑之粹參扶
輿之靈浙江不足滌其瀾西湖不足澄其潔鳳山
不足萃其昂吳越之遺墟南宋之廢址不足以悽
其感騷逸而下罕見其儔譽之不無少過而多聞
好奇世以比之成都楊慎為人高曠磊落不可羈
馬至老愈豪朱衣白髮挾兩女奴坐西湖花柳下
客至即其座唱酬斗酒百篇人又擬之謫仙云

黃省曾

萬曆錢塘縣志省曾字勉之吳郡人博雅
工文詞與錢塘田汝成交莫逆嘉靖中來游西湖

僦居南屏最久自號五嶽山人涉險不假筇策湖山之勝足跡幾遍談說形勝窮狀奧妙歌咏隨之所著有寓林集

吳玘 分省人物考玘字汝瑩號南岑錢塘縣人舉嘉靖癸未進士歷官廣東布政使叅政性疎爽治園亭西湖之濱與賓客燕游其間若樂而忘檢者至持官特嚴奉親以孝

張瀚 分省人物考瀚字子文號元洲杭州人成進士初任部郎爲治行第一積官至吏部尚書持衡

西湖志

卷三 名賢三

九

數年務以進賢退不肖爲主一時吏治喁喁及歸嘯咏湖山間善書法兼工點染詩文莊麗典則有奚囊蠹餘松窗夢語藏於家卒謚恭懿

李奎 列朝詩集傳奎字伯文錢塘人由布政司吏再考從事錦衣雅善詩從齊人謝榛游錦衣經歷沈鍊文章忠義士也兩人深相結納調護一時諫臣論劾執政下詔獄者人皆歸功陸炳而不知伯文與鍊陰爲之地也鍊具疏將劾嚴嵩父子舉酒屬伯文以後事伯文已許之已而下獄嵩父子力

構寘之死伯文傾身庇之得未減世蕃詞知之欲
中以奇禍乃脫身歸里與方太守九叙沈山人仕
結社湖山之間年八十餘卒塋西湖之上歸安茅
坤伐石表之曰詩人李珠山之墓

祝時泰

舊錢塘縣志時泰字汝亨號九山閩縣人

博雅善詩嘉靖中鄉舉官員外郎挂冠歸慕錢塘
湖山之勝卜居西湖與郡人高應冕童漢臣方九
叙沈仕劉子伯結玉岑詩社遨游嘯咏以終其身

方九叙

西湖八社詩姓氏方九叙字禹績號十洲

西湖志

卷三

名賢三

十

錢塘人為承天太守方九叙西湖八社詩序杭蓋
東南大都會山水蔚盤昔人擬之清都洞天頃歲
丙午予嘗與田豫陽氏八人結社湖曲賦詩紀游
今所傳西湖社選是其作也近復偃息林泉追逐
雲月茲社也凡會之地八同會之人六若予六人
仕隱固殊風雅道合豈偶然歟樂天香山洛陽耆
英古今社事茲其兼美矣

沈仕

仁和縣志仕字懋學侍郎銳少子弱冠有才

名夢游青門山及寤求名山志讀之見秦時東陵

侯卻平隱此歎曰古隱者居也吾其隱乎遂棄舉子業自稱青門山人以詩歌自娛好古法書名畫日摩挲久之有得援筆揮灑風神氣韻絕勝巖門遇佳山水輒流連旬月嘉靖中客京師諸貴人聞其名爭造請待以上客贈遺累千金隨手散去年七十返故廬家徒四壁資繪畫以自給然意所不當者雖重資不為動人獲片紙珍若拱璧卒於家

陳仕賢

萬曆杭州府志仕賢字邦宸福建福清人

嘉靖壬辰進士歲己亥來知杭州奉職循理事簡

西湖志

卷三 名賢三

十一

政平靈隱寺志仕賢擊楊璉真伽像於飛來峰

錢立

分省人物考立仁和人嘉靖乙丑進士授刑

部主事歷官廣西副使生平恬於仕進自郎署典郡意未嘗不在林壑既歸屏跡公府時與二三朋舊結社湖山晚歲兀坐一室焚香手一編顏所居曰怡老

沈梅

茅坤近溪沈公墓表嘉靖乙卯余罷官歸棲

聖水寺同通政馬公三才太僕卿沈公淮光州守

高君冕山人沈君仕輩為西湖社遊是時近溪沈

公梅與馬沈爲同年友亦囊詩筒過焉公性怡曠
與人交無城府坑塹三試南宮不第補博士諭銅
陵未幾令貴池旣至省供億絕饋遺邑之豪舉而
翫法者稍芟薙之節冗費決滯獄平徭役刷庠序
以循吏稱按節使檄而獎之者沓至然性澹而亢
不善俯仰譽者什九而齟齬之者亦什之一於是
解綬歸結廬茗上別卜築於北山中曰怡閒閉戶
讀書嚮所共西湖社遊者並凋落殆盡猶數過聖
水共余徜徉泉石間所草西湖志多先輩見聞所

西湖志

卷二十一

名賢

十一

不逮其他近溪集也足堂俚語茗上遊咏西湖遊
詠諸手著士大夫數口賞不置卒年七十六家世
安溪里故號近溪

茅瓚

錢塘縣志瓚字邦獻少時夢神人授二巨字

文曰見滄因以爲號讀書寶奎寺山巔始至夜分
雷雨大作崖崩數十丈獨所居無恙質明露見滄
二大字蓋故鏡宋理宗御書適與夢符戊戌殿試
第一歷南北祭酒禮部侍郎兼學士加太子賓客
以吏部右侍郎引疾歸

許岳 茅坤廣東按察使司副使少厓許公墓表公
舉進士由尚書郎出權蕪湖則謹筦鑰監蘆洲則
絕勲貴而按穎上也海夷內訌公且以身撼之以
讒貶沔陽州同知徙判岳州擢荊州同知蜀寇黃
中勢張甚公入施州度險隘審嚮導募死士料芻
餉寇隨以殄中朝方議賞而節使以前任許姓者
不法事悞移公公不復辨棄官歸尋擢常州守移
柳州課農桑興學校飭吏胥息桴鼓彬彬然唐柳
柳州風概峒蠻嘯山谷蒐治之斬獲無算移守梧
堂曰清風高節人以爲實錄云

西湖志

卷三

名賢三

三

州以功晉廣東海道副使乞骸歸共馬通政沈太
僕暨余輩往來西湖爲社吟督府銅梁張公顏其

林梓

杭州府志

梓字汝林嘉靖壬戌進士歷延平

守有政蹟擢金騰副使歸結廬葛嶺曰從吾別墅

邵穆生

黃汝亨高士邵虎菴塔銘穆生一名重生

別號虎菴比部員外郎經邦仲子生而骨相磊落

吐音弘亮爲諸生不屑科舉比偶之學年三十即

屏居靈鷲山之呼猿洞開鑿巖岫營構軒閣樹藝

花木所貯自經史外多古文奇字元筌秘笈之書
晨昏披覽凡四十餘年不入城市精皇紀一數多驗
所游名山即自爲圖畫多古法間出王叔明米元
章筆意然不多作詩不模擬唐句徃徃自挾胷臆
絕慾趺坐不倒身側足夜如其畫一日忽倒身卧
胷突生一骨痛不可忍即猛省趺坐如昨痛骨立
消於是命治龕戒毋用木踰月而葬冢上置塔塔
覆以亭歿前二日撤食飲水數斗遷居樓下危坐
靜存而逝所著有武林山七志山中甲子詩文數

西湖志

卷三

名賢三

十四

種仁和縣志穆生字汝宣感父廷杖事棄舉子業
隱靈鷲山中築閣祀許由及唐宋名賢爲樓三楹
中祀其父右自處藏書又三楹足不入城市布政
使吳用先欲見之謀於黃汝亨汝亨請屏騶從以
儒生服徃汝亨先行謂穆生曰有桐城學者欲見
公讀所著書穆生許之吳入遂設飲極歡而罷明
日汝亨札至曰昨來乃方伯吳公求所著書穆生
亦不靳也善畫有求畫者輒不與曰吾豈畫師耶

陳善

杭州府志善字思敬父荆獻博學端方從王

文成先生游善幼穎異從父游文成門文成曰此
任道器也弱冠舉進士三令巖邑擢郎官督學滇
粵士烝烝向風仕至雲南左布政使未六十予告
歸講明理學步中規矩危坐終日無疾言遽色尤
好施濟待以舉火者甚衆收掩道殣修治東新餘
杭諸塘慈雲黃泥諸嶺纂修杭州府志十年而成

徐桂

兩浙名賢錄桂字茂吳餘杭人博綜經史工

古文詞登隆慶辛未進士授袁州府推官堅正不
阿每執法失上官指遂投劾歸僦居杭城之東隅
地幽僻有亭池竹木之勝中列金史圖石與商彝
周鼎法書名畫日婆娑其中有潔癖巾幘衣履無
不精楚興至發為詩歌尤長咏物西湖十咏膾炙
人口屬和者數十家終不及也

姜名

舊錢塘縣志名字可叔四川廣安州人萬曆

初由進士令錢塘性廉敏一目數行人一見終身
不忘剖決若神旦坐堂皇至午罷衙庭空無人時
獨棹小艇西湖上焚香讀書與諸文士譚論經義
亶亶不倦在邑八年四境清肅百廢具舉後令朱

光祚請祠名宦焉

馮夢禎

錢謙益南國子祭酒馮公墓誌公諱夢禎

字開之其先高郵人徙嘉興之秀水少慧就塾師吟諷不輟王母惜膏火止之引被障窗疏帷燈至旦其專勤如此隆慶庚午舉於鄉萬曆丁丑會試第一選庶吉士與同年生以文章意氣相豪跌宕俯仰聲華籍甚亦以此負狂簡稱鄒忠介抗論江陵拜杖遠戍獨送之郊外執手慷慨除編修江陵沒執政精求史館中觚角蘄牙異同者及

西湖志

卷三

名賢三

六

其未翼而翦之坐是終以不振嘗假歸師事盱江羅近溪講性命之學居喪蔬素專精竺墳叅求生死大事紫柏可公以宗乘倡於東南奉杖樞衣稱幅巾弟子蕭閒澹漠無意榮進補廣德州判官量移行人司副尚寶司丞陞南京國子司業遷右諭德再遷右庶子拜國子監祭酒成均文體士氣翕然一變端居造士闊略酬對南曹郎疾其慢已飛章劾之遂移病去官築菴於孤山之麓名其堂曰快雪山雲圍戶湖水浮堦禪燈文室清歌洞房海

內望之以爲仙真洞府凡九年而卒舊錢塘縣志
夢禎晚年製桂舟貯書畫春花秋月遨遊西湖竟
月不返亦時與僧蓮池及邵重生虞淳熙兄弟朱
大復諸公結放生社是時徐桂茂吳餘杭人屠隆
長卿四明人歲來入社吟咏甚富

莫叔明舊錢塘縣志叔明字公遠長洲人一名更
生字延年因游湖山樂焉自號冷泉子爲詩險奧
卓絕務爲人所不經道忘情世味簞瓢晏如後徙
居湖墅臨古樹清流即其地坎焉命其子曰死即

西湖志

卷三

名賢三

七

埋我於是王世貞爲誌曰詩人莫公遠墓

何倫

錢塘縣志倫字士明性至孝方四歲得所分

鮭魚不食而藏之夕更薦父母稍長談古今忠孝
大節輒撫几而泣父歿負土成墳哀感行路歲大
稔與妻子採湖中菱芡雜菽以進其母不知爲稔
歲家有甘井闢汲道以與鄉里共邑人有訐家事
者倫歎曰是不可長也作正俗八議衆躡之著家
規心訓二書督學蘇濬序而梓之曰何孝子集

聶心湯

錢塘縣志心湯字純中新淦人萬曆甲辰

進士令錢塘沉粹明敏事至即決適南湖水溢於是建化灣塘次築閘次議濬湖次建捍江塘士民思其德剏石頌之聶心湯錢塘縣志自敘不佞蒞錢塘五年覽勝湖山緬懷昔賢濬水溉田致芟芟穀米水泉之用世世功德於民詢之掌故則缺焉而未詳於是取郡志西湖志而損益之有徵可信因例起義釐爲十紀以備遺忘

黃汝亨

仁和縣志

汝亨字貞父萬曆二十六年進士授進賢知縣邑多浮賦上書臺司力爭寬徵遷

西湖志

卷三

名賢三

六

南京工部主事陞禮部郎尋遷江西提學僉事進布政叅議備兵湖西踰年以祝釐便道還浙遂謝病不復出結廬南屏小蓬萊題曰寓林以著作自娛持縑素碑版造請者相望於道每避客六橋之陰輕舟軟輿蹤跡既至則啟窗一笑酒茗交行揮翰如飛有寓林文集三十卷詩六卷行世

葛寅亮

靈隱寺志

寅亮字屺瞻歷官司農嘗督學楚閩稱得人閒居教授弟子數千性儉素布衣徒步於靈竺之間不知其爲貴人也舊錢塘縣志寅

亮字水鑑號屺瞻北定鄉人也舉萬曆浙江鄉試
第一辛丑成進士授南禮部主事轉郎中引疾還
杜門不交公府就湖南築精舍讀書談道其中負
笈者多四方名士質疑問難必披析與盡凡口傳
筆記靡不宗葛氏學焉位至少司農卒年七十七
屺瞻談經講藝汲引人才惟日不足所著有湖南
講行世易繫詞講治安策仕學錄造適集苑爾集
藏於家

虞淳熙

黃汝亨稽勲德園虞公墓誌司勲虞公長

西湖志

卷三

名賢三

九

孺舉省試第四人成進士時萬曆癸未也授兵部
職方司主事遷主客員外郎踰月改司勲又踰月
引疾歸公愛惜名勝兩峰六橋三潭間松石花鳥
蟲魚之屬咸加愛護公故貧儒子力不能購書獲
有竒秘與弟閉門抄寫晝夜不盡不止以故涵育
浸灌汪洋奧衍有武庫行秘書之目詩文宏深微
妙應念而作風生雨集排古盪今作者人人自廢
去官歸隱南山回峰下採藥行樂嘯咏惟適臺府
大吏及四方之客游武林者懷刺造廬欲一識其

面悉戒聞以絕天下知與不知語及虞司勳輒曰
異人云

陸振奇 舊錢塘縣志 振奇字若冲斯如里人工文
章與里中鄭之惠馮夢禎葛寅亮虞淳熙雲栖釋
袪宏為莫逆交精於易學嘗百十人問難辨析不
窮學者稱庸成先生讀書之暇嘗就西湖為放生
社之會有紀異一則別載放生錄中

吳大山 錢塘縣志 大山字仁仲居鳳凰山之燕窩
江西副憲源之孫光祿寺卿果之子萬曆時隨父

西湖志

卷三

名賢三

三

任京師召試楷書授內閣中書辛卯中順天鄉試
為部郎歷任滇南叅政皆有聲績未幾乞休歸西
湖築別業植老桂修篁顏曰輞川

葉永盛 兩浙鹽法志 永盛字子木江南涇縣人萬
曆己丑進士為兩浙巡鹽御史時弁臣言利妄稱
浙餘鹽山積可得餉三十萬徵之急商絀莫能辦
永盛具五疏奏入蠲十之九人心始安浙商子弟
以外籍不得與試特請於朝置商籍視鹺之餘集
內商子弟於西湖跨虹橋西授以題就舫中屬文

面定甲乙名曰舫課去官後商士思之即其地建崇文書院中奉朱子即以其旁祀永盛焉

李流芳

書畫譜流芳字長蘅嘉定人萬曆丙午舉

南雍再上公車不第遂絕意進取性好佳山水中歲於西湖尤數詩酒筆墨淋漓揮灑山僧榜人皆相與欵曲軟語間持絹素請乞欣然應之

沈守正

靈隱寺志守正字無回錢塘人為孝廉清

介絕俗當世士大夫重其守下幃靈隱講業授徒歷有年所

西湖志

卷三

名賢三

三

唐新

錢塘縣志新字仲可蘭陵人工詩嗜山水愛

西湖之勝買舟居之舟名蓮葉往來煙雲浦澹間嘗至絕粒采蓴而食晏如也孝廉吳之鯨憂其乏絕為疏以傳知已有云唐仲可夷猶煙水欸乃蒼波瓶中不堪喂鼠榜傍可以眠鷗七十二種惟有薄羹一十二時嘗遭水厄一時同事咸相解囊新聞之歎曰吾何可以口食為諸君子累哉竟謝歸吳之鯨錢塘縣志之鯨字伯裔文才俊爽高自標置每一脫稿輒付剖劂或規之曰吾以防散逸耳

與馮夢禎黃汝亨相友善所著有武林梵志閨閣詩

吳之龍

錢塘縣志之龍字雪門歛人生有異質讀

書一目十行下工詩長游武林遂居錢塘從葛寅亮講學湖南業日進屢蹶不售遂絕意進取謁選得光祿丞與米友石劉半舫諸名卿日唱和詩迅發老健性豪邁不樂繩束還隱西湖結竹閣社四方詞人無不歸之瘦筇過頂白髮飄然人謂地行仙云

西湖志

卷三

名賢三

三

袁文玉

錢塘縣志文玉喜山澤游築室柳洲亭左

露桃煙柳間每喜獨行堤畔比遊人出則負杖回惡聞簫鼓聲嘗誦左思詩曰山水有清音何必絲與竹百有一歲猶強飯健行矍鑠也

曹振

錢塘縣志振字叔周性孝友善讀書好作畫

得北宋人筆意遂以畫名素磊落自異會有以魏璫綾帳命畫者振怒擲筆竟出策蹇歸隱西湖自號玉岑山樵善搗鼓每酒酣月落烏履縱橫出羯鼓搗之意高氣揚其聲淵淵如風濤驟集座客皆

奮袖起舞年七十九卒葬黃鶴山下

聞啟祥

錢塘縣志啟祥字子將博綜羣書萬曆舉

南雍嘗與吳郡李流芳同與計吏入京師至國門忽意不自得趣車徑返後屢以薦被徵悉辭不赴

靈隱寺志子將絕意仕進築阿西山其言語妙天

下馮夢禎黃汝亨一流人也

鄒之嶧

錢謙益鄒孟陽墓誌李長蘅愛武林山水

其游也以鄒孟陽為湖山主人長蘅秀出人表歌詩圖繪與湖山相映發孟陽鈎簾據几隗俄其間

西湖志

卷三

名賢三

三

山僧舟子皆能指而識之長蘅為孟陽畫西湖江南卧游冊三十餘幀孟陽所至必攜之以行曰長蘅與江南山水皆在吾篋中矣晚年山水之情彌勝偕老僧游天台攜卧游冊曰吾挾此冊與俱長蘅有知當偕我越檣溪凌石梁耳其託寄如此孟陽名之嶧世居海寧徙錢塘之東溪

鄒方回

失名

李流芳清暉閣草序余往來西湖者

十年得同調之友六七十人鄒方回其一也方回文弱可愛坦衷直腸而遇事慷慨樂緩急人殆世之

有心者客歲孟陽館余於小築子將方回讀書於
澄懷閣輒移榻就余商榷文藝旁及歌咏書畫朝
暎夕嵐山水變幻輒命觴相對酣飲而後已有時
載花月港拜石紫陽采蓴湖心結荷池上未嘗不
與方回共之

馮延年 靜志居詩話延年字千秋秀水人祭酒之
孫祭酒愛西湖之勝築快雪堂於湖濬千秋遂入
籍錢塘己卯副榜貢入北雍歸隱秋月菴為復社
與子首川父子並著錄云

西湖志

卷三 名賢三

三

陳潛夫 靈隱寺志潛夫字元倩杭州人歷官河南
御史為諸生讀書靈隱山房以名教自任卒能踐
其志

施莊 錢塘縣志莊字康夫居紫陽山少貧力學性
穎異喜自負左方伯吳某極重之延上座莊衣大
布衣着高齒屐踞客座高談今古燭跋不使去義
烏傳巖奇其才以妹妻焉巖成進士而莊屢踏省
闈不見收設館鳳山之陽戶外屨恒滿武林號為

施氏學

何萃

錢塘縣志萃字翰亦少孤力學與施莊友崇

禎間兩中副車己卯以貢入南雍吳太冲時為司

成移書吏部曰萃武庫甲兵今朝廷急士當及鋒

用之會為忌者所阻免歸亦設館鳳山之麓武林

從游者曰何氏學所著有古今治平畧廿一史彙

纂類法篇諸書

馮廷槐

錢塘縣志廷槐少叅自南公子博洽羣籍

下筆自成一家言晚年自稱二酉山人不求進取

著武林近事十卷

西湖志

卷三

名賢三

三五

汪汝謙

錢謙益汪然明墓誌然明諱汝謙居歛之

叢睦生三歲而孤蘄然如成人事其母捧手肅容

視氣聽聲七十年如一日事諸兄若姊同仁均愛

撫孫恤甥睦嫻收族婚嫁葬埋於我乎取緩急叩

門無不應所至公卿虛席勝流歛集剝江觀濤之

客三竺漉囊之僧西陵油壁之妓靡不繫箱捧席

傾囊倒篋人厭其意留連而不忍去所著有西湖

韻事

關鍵

錢塘縣志鍵字六鈐與錢肅樂讀書勝果寺

錢引繩墨合規矩而鍵馳騁上下汪洋恣肆談者
心悸臨川艾南英亟稱之而雲間陳子龍獨首推
鍵於是有關錢之學癸未成進士知丹徒縣不半
年棄官歸家居以名德自重絕口不言世事子真
君平之亞也

顧若羣 〔仁和縣志〕若羣字不黨一字超士為諸生
閉戶下帷縱觀子史究古今治術而擇其可施行
者說經則觀先儒語錄取新安鵞湖異同之旨會
通之以餘閒作詩賦古文詞入雲棲隱於緇流所

西湖志

卷三

名賢三

三

著有石公新舊稿

吳本泰

錢塘縣志

本泰字美子崇禎甲戌進士以

行人改吏部文選郎入為尚寶卿初籍海寧後樂
錢塘河渚而徙居焉遂為錢塘人本泰性恬淡無
嗜好繩牀斐几朝齋暮鹽宴如也其居河渚與高
僧耆舊相往來撰西溪梵隱志其弟宮詹太冲稱
之曰吾兄如千頃澄波渚之不濁自是德器使然
非淺學可測也

江浩

舊錢塘縣志

浩字道闇文昭後裔也與同郡

張岐然季初友善岐然為尚書恭毅之後兩人創為古學同時如丁竒遇馮悰虞宗瑤徐騰等約為讀書社其法因經而及傳先考訂而後辨論武林士人不習矜張而學有原本者由讀書社始也浩久為諸生落落不得志後落髮隱居河渚盡焚所著書為名僧曰夢破不入城市一瓢一笠往來蘆風梅雪間自取適意而已岐然後亦為僧名濟義開堂說法武林名流多與印合二人雖皆為僧然孤情特立要亦僧隱者也故仍列之隱逸傳中

西湖志

卷三

名賢二

七

萍道人

杭州府志道人如曉字萍蹤蕭山人善

書畫衝口吟哦多佳句出游三吳瓢笠自持為人方嚴孤峭遍游宣歙明剡台宕諸名勝老乃駐西湖結宇烏石峰名曰巖艇崇禎末年卒年八十餘如曉藏名而隱不知其姓所著有草萍集

王元佐

錢塘縣志元佐字又章重孝義敢任事慕

陶靖節孔稚圭之為人卜居吳山之麓郡守顏其堂曰景陶跡孔

朱東觀

錢塘縣志東觀字全古崇禎拔貢丙子南

雍副榜具經濟才養母於石人塢母亡出游晚乃歸家以涑水通鑑盡為補注老眼昏花於夾窗下就明處日書之卒年八十

吳山濤

兩浙鹽法志

山濤字岱觀之龍之子崇禎

已卯舉於鄉三任學博授陝西成縣令彈丸小邑且當殘破後錢糧協濟民艱甚山濤力請題改邑人戴之任二年致仕投老湖山嘯歌自得書法秀逸自成一家兼善作畫殘絹斷繒皆為世所珍出塞日賦西塞詩三十首因自號塞翁年八十七卒

西湖志

卷三

名賢三

三

國朝

張遂辰

錢塘縣志

遂辰字卿子其先江西人父徙

錢塘因家焉少穎異不屑為舉子業喜讀史漢百家言工古文一游成均由吳江渡秦淮陟金焦過牛渚董其昌陳繼儒見之曰奇才也交李流芳錢謙益輩聲名籍甚幼善病日檢醫遂成名醫博綜典故考究精核湖上有遂辰別業名湖館又有東莊皆有詩

胡介

錢塘縣志

介字彥遠幼穎異為博士弟子性

高介抗意而行後隱於河渚蓬門蘿屋與其妻翁氏笑傲溪山間翁故武林巨族能詩有賢名夫婦唱和欣欣自得介工於詩死後十年淮東黃之翰為刻以行世

嚴沆 舊錢塘縣志沆字子餐號顥亭明太常大紀之孫武順之子順治乙未進士選為館元授兵科給事中仕至戶部右侍郎總督倉場卒於官沆自為諸生已籍籍人口稱文章經濟之士在諫垣時多所論奏每一疏上人傳誦之性至孝以武順早

西湖志

卷三

名賢三

三

卒事母極盡色養於城東築臯園比於臯魚之泣復得馮祭酒孤山快雪堂花時常奉板輿侍太夫人出游鄉人榮之武順名噪武林與兄調御弟敕稱三嚴先生沆能繼世學交游盡南北名流或集東園或會湖莊尊壘茗椀酬唱歌吟殆無虛日所入俸錢宗黨之外盡以給朋友焉

錢士璉

錢塘縣志士璉字奇玉郡諸生嘗游學東

甌值山寇竊發海氛未靖璉佐掾幕出奇計定之浙東諸郡賴以安堵又嘗勸禁倖掠出株連人高

其義當事欲疏薦不受黃冠野服日徜徉湖山間
年八十七壽終

錢士璋

錢塘縣志士璋字章玉諸生負經濟才歲

大祲當事為粥以食饑者士璋計口授餐民皆果
腹道有殣死者出私財瘞之民苦徭役建議立條
鞭法以均之著為令薄游天台因號赤霞山人後
歸西湖見石山壁立有篆刻赤霞字符其號遂築
菟裘終老焉

林嗣環

錢塘縣志嗣環號鐵崖泉州人順治己丑

西湖志

卷三

名賢三

三

進士授廣西海南副使攝學政愛養士子後削秩
歸慕武林山水僑居湖上與曹秋岳王西樵相倡
和卒葬西湖之白沙泉

王猷定

舊浙江通志猷定字于一別號軫石南昌

人善古文為人倜儻自豪寓居西湖歿於昭慶僧
舍嚴津陸圻毛先舒為治喪櫬猷定為文鬱勃如
殷雷未奮又如崩崖壓樹槎枒盤礴旁枝得隙突
然干霄或間露卑率語然蒼骨老氣終不可沒也

吳名溢

錢塘縣志名溢字我匏錢塘諸生時婁東

甬上諸名宿舟車絡繹皆主其家兩喪皆廬墓著喪禮注築匏菴於南山滿覺壠遂自號匏菴晚年又構葑園於城東彙名流觴咏之作爲葑園盍簪集查繼佐序其文云明季文體詭變尚諸子雜說仙釋語錄聳牙佶屈之文匏菴獨沉酣六經闡發實義作麟經詮解考三傳互異折衷諸家爲春秋詳註嚴沆嘗語人曰林巒標致當推是公非晚近人也卒年七十六

孫治

錢塘縣志治字宇台少穎異通左國春秋喜

西湖志

卷三

名賢三

三

秦漢文故其爲文沉鬱入古爲諸生祭酒隱居教

授講學湖濱自稱武林西山樵者撰靈隱寺志西

泠十子其一也

十子陸圻麗京柴紹炳虎臣孫治宇台陳廷會際叔張綱孫祖望毛

先舒馳黃丁澎葑園沈謙去矜吳百朋錦雯虞黃吳景明圻著威鳳堂文集二十卷詩集十四卷口譜十卷靈蘭墨守十卷紹炳著翼望山人集十卷古韻通五卷治著孫氏遺集十六卷靈隱志十二卷遣興集十二卷廷會著瞻雲遺集十六卷綱孫一名丹著從野堂文集二十卷詩集二十卷先舒一名駉著撰書隱囊別紀韻學通指匡林思古堂集詩辨坻格物問答聖學真語澎著扶荔堂文集二十二卷葑園詩集十二卷詞集六卷謙著東江集八卷百朋著樸菴集三十二卷

丁景鴻

杭州府志景鴻字弋雲領戊子鄉薦嘗結

社於兩峰三竺間有鷲山十六子之訂因號鷲峰
丁文策 錢塘縣志 文策字叔范號固菴學者稱江
樵先生文策束髮讀書爲文另闢堂奧時流翕然
宗之已而謝浮名自號布衣奉其母偕隱河渚當
事聞其才屢辟不就兩應督撫之聘纂修通志及
郡志所著有西湖集瑣言放庸集吳聲百歲序譜
諸書傳於世

吳文翰 杭州府志 文翰字元濬有至性讀書攻苦
幾失明補郡庠生亡何入龍泓山中懷古著書與

西湖志

卷三

名賢三

三

方外爲蓮社游詩歌寄託高遠有陶韋風規